

Na osnovu člana 46. stav (3) Statuta Turističke zajednice grada Tuzle, a nakon pribavljene saglasnosti Službe za ekonomski razvoj, poduzetništvo i poljoprivredu, broj: 04-456227-1/2022 od 19.04.2022. godine, Turističko vijeće na drugom (II.) dijelu 49. sjednice, održanom dana 21.04.2022. godine, donosi:

## **P R A V I L N I K**

**o izmjenama i dopunama Pravilnika o kriterijima i postupku raspodjele sredstava za finansiranje/sufinansiranje projekata, programa i manifestacija koje doprinose obogaćivanju turističke ponude, broj: 02-254/19 od 14.11.2019. godine**

### **Član 1.**

Ovim Pravilnikom o izmjenama i dopunama Pravilnika o kriterijima i postupku raspodjele sredstava za finansiranje/sufinansiranje projekata, programa i manifestacija koje doprinose obogaćivanju turističke ponude, broj: 02-254/19 od 14.11.2019. godine ( u daljem tekstu: Pravilnik), vrše se izmjene i dopune, kako slijedi:

• ***U poglavlju II – PREDUSLOVI ZA FINANSIRANJE/SUFINANSIRANJE***

1) U članu 2., riječi: „*pozicijama*“ mijenjaju se sa riječi: „*poziciji*“, a riječi: „*i „Podrška značajnih turističkih i drugih manifestacija Grada Tuzla*“, brišu se.

2) U članu 4., riječi: „*Godišnjim programom rada i finansijskim planom TZGT*“ brišu se.

3) U članu 6. stav (2), nakon riječi: „*za svaku finansijsku godinu*“ dodaju se riječi „*odlukom*“.

U istom članu, u stavu (3), nakon riječi: „*Turističko vijeće će*“, dodaju se riječi „*odlukom iz prethodnog stava*“.

4) U članu 7. stav (2), riječi „*liste prioriteta*“ zamjenjuju se riječima: „*odluke Turističkog vijeća iz člana 6. stav (2) ovog Pravilnika*“.

U istom članu, nakon tačke 2., dodaju se tačke kako slijedi:

*3. obrasce za prijavu,*

*4. minimalan i maksimalan iznos sredstava koji se mogu dodijeliti po prijavi,*

*5. teritorij na kojem se realizuju aktivnosti,*

a tačke 3., 4. i 5. postaju tačke 6., 7. i 8.

U istom članu, u stavu (3), riječi:

- „*i da na području grada Tuzle imaju prebivalište, sjedište ili bilo kakav organizacioni oblik*“ mijenjaju se riječima: „*da su osnovani i registrovani u Bosni i Hercegovini i da na području grada Tuzle imaju prebivalište, sjedište ili drugi organizacioni oblik*“;

- „*da su vođeni od strane državljana Bosne i Hercegovine*“, mijenjaju se riječima: „*da je odgovorno lice prijavitelja državljanin Bosne i Hercegovine*“.

- Poslije stavke „*da ne obavljaju aktivnosti u ime političkih partija*“ dodaju se stavke:

- *čije se prijave odnose na prioriteta područja iz ovog Javnog poziva;*

- *da im je registrovana djelatnost u skladu sa prioritnim područjem u okviru koje će realizovati svoje aktivnosti i*

- da svoje aktivnosti realizuju na području grada Tuzle.

U istom članu, u stavu (4) nakon riječi „i od turističkog je značaja“, dodaju se riječi: „što će Komisija iz člana 12. ovog Pravilnika posebno cijeniti u svakoj takvoj pojedinačnoj prijavi“.

U članu 8., stav (2) briše se, a dosadašnji stav (3), postaje stav (2).

U članu 9. stav (2), stavka „– ZA PRAVNA LICA:“, mijenja se i glasi:

1. *Popunjen Prijavni obrazac (Obrazac 1), sa sljedećim sadržajima:*
  - a) *Naziv i opis projekta, programa ili manifestacije;*
  - b) *Podatke o nosiocu projekta, programa ili manifestacije;*
  - c) *Ciljevi projekta, programa ili manifestacije;*
  - d) *Aktivnosti i očekivani rezultati te očekivani broj turista;*
  - e) *Ciljne grupe;*
  - f) *Značaj projekta, programa ili manifestacije za turizam i*
  - g) *Realizirani projekti, programi i/ili manifestacije u prethodne 3 godine (navesti da li su aktivnosti prijavitelja već finansirane od strane TZ grada Tuzle ili Grada Tuzla);*
2. *Rješenje o registraciji;*
3. *Identifikacioni broj;*
4. *Detaljno razrađen Finansijski plan za realizaciju projekta, programa ili manifestacije, potpisan od strane odgovornog lica (pregled budžeta i plan potrošnje sa specifikacijom troškova potrebnih sredstava) – (Obrazac 2);*
5. *Kopija lične karte ili Uvjerenja o državljanstvu odgovornog lica;*
6. *Uvjerenje o izmirenim obavezama prema javnim приходima;*
7. *Završni godišnji finansijski izvještaj za prethodnu godinu sa pečatom AFIP-a (bilans stanja i bilans uspjeha);*
8. *Podatke o stručnosti lica angažovanih za potrebe provedbe projekta, programa ili manifestacije (kraći CV);*
9. *Zvaničan dokument banke o otvaranju transakcijskog računa;*
10. *Izjava odgovornog lica o izmirenim obavezama na ime članskog doprinosa i/ili boravišne takse prema TZ grada Tuzle za obavezne članove TZ grada Tuzle zaključno sa 31.03.2022. godine (ovjerena kod notara ili drugog nadležnog organa);*
11. *Dokaz o pribavljenim saglasnostima ili dozvolama za izvođenje projektnih aktivnosti koje se odnose na turističku infrastrukturu i*
12. *Lista za provjeru (Obrazac 3).*

U istom članu, stavovi (3) i (6), mijenjaju se i glase:

*„(3) Prijavitelji uz prijavu dostavljaju fotokopije tražene dokumentacije a originalni dokumenti po potrebi će biti zatraženi na uvid ukoliko sredstva budu odobrena.“*

*„(6) Prijave prijavitelja na Javni poziv koje ne zadovoljavaju bilo koji od ispod navedenih kriterija, neće se uzeti u razmatranje:*

- a) *koji nisu izvršili obaveze po ranije doznačenim (odobrenim) finansijskim sredstvima TZ grada Tuzle;*
- b) *čije su aktivnosti usmjerene na promociju političkih stranaka, rasizma, fašizma i kršenja zakonom zagarantovanih ljudskih prava i sloboda;*
- c) *koje su namijenjene za isključivu dobit pojedinca;*
- d) *koji ne izmiruju zakonske obaveze prema javnim приходima;*

- e) koji ne izmiruju zakonske obaveze na ime članskog doprinosa i/ili boravišne takse prema TZ grada Tuzle i
- f) čije aktivnosti nisu u skladu sa prioritetnim područjima utvrđenim ovim Pravilnikom. „

Stav (4) i stav (5) ovog člana ostaju nepromijenjeni.

- **U poglavlju IV – KRITERIJI I MJERILA ZA OCJENJIVANJE I ODABIR**

- 5) U članu 10. u stavu (2), riječi „*Turističko vijeće TZGT*“ mijenjaju se riječima „*Voditelj Turističkog ureda*“.

- **U poglavlju V – ODABIR I NAČIN DODJELE SREDSTAVA**

- 6) U članu 12. u stavu (2), riječi „*programe, projekte ili manifestacije*“ mijenjaju se riječima „*prijave*“.

U istom članu, stav (3) mijenja se i glasi:

*„(3) Nakon što se utvrdi potpunost prijave, ocjenjivanje i odabir vršit će se u skladu sa kriterijima utvrđenim u propisanim Obrascima za ocjenjivanje, koji čine sastavni dio ovog Pravilnika. „*

U istom članu, nakon stava (3), dodaju se stavovi (4), (5) i (6), koji glase:

*„(4) Najveći broj bodova koji se mogu dodijeliti prijavitelju na javni poziv iznosi 60 bodova, a prednost pri dodjeli sredstava TZGT imaju korisnici sa većim brojem ostvarenih bodova. Komisija vrednuje prijedlog prijave prema kriterijima sa pripadajućim brojem bodova i dodjeljuje usaglašene bodove u rasponu od 1 do 5 za svaki od kriterija pojedinačno, na sljedeći način: 1 – veoma loše, 2 – loše, 3 – odgovarajuće, 4 – dobro i 5 – veoma dobro. Ukupan broj bodova za prijavu predstavlja zbir svih bodova dodjeljenih u Obrascu za ocjenjivanje. „*

*„(5) Samo prijave koje budu ocijenjene sa 20 i više bodova će biti finansirane/sufinansirane od strane TZGT, s obzirom da prijavitelji sa nižim brojem bodova ne zadovoljavaju postavljene standarde.“*

*„(6) Komisija zadržava pravo da odabranom prijavitelju dodijeli sredstva u manjem iznosu od iznosa kojeg prijavitelj potražuje od TZGT, u skladu sa kriterijima i mjerilima za ocjenjivanje i odabir koji su utvrđeni ovim Pravilnikom te cijeneći turistički značaj prijavljenog projekta, programa ili manifestacije.“ „*

a dosadašnji stav (4) postaje stav (7).

- 7) U članu 13. stav (1) mijenja se i glasi:

*„Na osnovu ocjene prijava na javni poziv i ostvarenom broju bodova iz pojedinačnih Obrazaca za ocjenjivanje prijavitelja, Voditelj Turističkog ureda podnosi Turističkom vijeću Prijedlog Odluke o odabiru projekata, programa ili manifestacija po objavljenom javnom pozivu i plana raspodjele sredstava. Turističko vijeće razmatra Prijedlog i donosi Odluku o odabiru*

*projekata, programa ili manifestacija sa planom raspodjele sredstava, najkasnije u roku od 30 dana od dana zatvaranja javnog poziva.“*

8) U članu 14., stavovi (1) i (2) mijenjaju se i glase:

*„(1) Prijavitelji koji su nezadovoljni rezultatom odabira projekata, programa ili manifestacija koje doprinose obogaćivanju turističke ponude grada Tuzle, mogu podnijeti prigovor isključivo zbog povrede postupka po javnom pozivu i to u smislu eventualnih propusta u ocjeni prijava prijavitelja.“*

*(2) Prigovor se podnosi u pisanoj formi, putem pošte ili na protokol TZGT, u roku od 8 dana od dana javnog oglašavanja rezultata javnog poziva.*

Stav (3) istog člana, briše se, a stav (4) postaje stav (3), koji se mijenja i glasi:

*„(3) Prigovor se ne može podnijeti na odluku o odabiru projekata, programa ili manifestacija po objavljenom javnom pozivu. Odluku o prigovoru donosi Turističko vijeće u roku od 8 dana od dana primitka prigovora, a odluka po prigovoru je konačna i ne može se pobijati redovnim pravnim lijekovima.“*

Stav (5) ovog člana, briše se.

## **Član 2.**

Ostale odredbe Pravilnika ostaju nepromijenjene.

## **Član 3.**

Turistički ured obavezan je sačiniti prečišćeni tekst ovog Pravilnika u roku od 30 (trideset) dana od dana donošenja, odnosno stupanja na snagu.

## **Član 4.**

Ovaj Pravilnik stupa na snagu danom donošenja uz obaveznu objavu na oglasnoj ploči Turističkog ureda Turističke zajednice grada Tuzle.

**Broj: 02-135-1/22**

**Datum: 21.04.2022. godine**

**TURISTIČKA ZAJEDNICA GRADA TUZLE  
TURISTIČKO VIJEĆE:**

---

**Svjetlana Kakeš,**  
**predsjednica Turističkog vijeća**

